

Sevem Tudei, Enjoyem Tumoro



Risponsibiliti blong wan Employia

Kontaktem Mifala

HED OFIS

Vanuatu Nasonal Providen Fan,

P.O. Box 420, Port Vila, Vanuatu

Tel: +(678) 23808 Fax: +(678)

24673

Emel: Enquiry@vnpf.com.vu



VANUATU NATIONAL
PROVIDENT FUND



Vanuatu National Provident Fund

visitim www.vnpf.com.vu



VANUATU NATIONAL
PROVIDENT FUND

OL EMPLOYA MO OL RISONSIBILITI BLONG OLGETA

Rijistresen blong Wan Employa

Wan employa we givim wok long eni man o woman we i stap kasem 3,000vatu o moa, i mas aplae blong rijista wetem Fan long 7 dei afta we hemi statem bisnes blong hem. Blong rijista, employa i mas usum Fom E we i save karem long VNPF.

Setifiket blong Rijistresen

Taem we wan employa i rijista wetem Fan, oli givim long hem wan rijista namba wetem wan Setifiket blong Rijistresen. Rijistresen namba ia employa i mas usum oltaem taem hemi mekem korespondens i go long Fan o i usum long ol impoten dokiumen we i go wetem ol peimen blong ol kontribusen.

Ol rijistresen namba we oli bin givimaot kasem Disemba 31, 2000, oli gat faev namba long hem, be olgeta we oli givimaot long Jenwari 1, 2001 oli gat sikis namba long hem.

Employa we i gat moa long Wan Bisnes.

Wan employa we gat bitim wan bisnes, mo ol bisnes ia i stap operet wanwan, hemi save aplae blong rijisterem ol bisnes blong hem wanwan. Wanwan long ol bisnes ia i mas karemaot olgeta risponsibiliti we wan employa i nid blong mekem olsem rijisterem ol woka mo pemaot ol kontribusen. Be bakegan, employa ia i save rijisterem evri bisnes blong hem anda long wan employa nomo, mo i dipen long olsem wanem hemi priperem ol peirol blong hem, long wanwan bisnes o long wan ples nomo.

Operesen i Jenis

Employa i mas talemaot long Fan eni jenis insaed long operesen blong bisnes blong hem. Ol jenis ia i kavremap ples we bisnes i muv i go long hem, ol namba blong ol woka, mo wanem kaen aktiviti we bisnes i stap mekem. Employa i mas talemaot long Fan sipos hemi stap tingting blong klosem daon bisnes blong hem. Employa ia i mas karem mo fulumap gud wan fom blong Ol Diteil blong Jenis blong Employa mo fulumap ol jenis olsem hemia antap, mo putum ol impoten dokiumen we i sapotem ol jenis ia mo tekem I kambak long Fan.

Rijistresen blong ol Niu Woka

Evri employa i mas mekem sua se olgeta woka oli aplae blong rijista wetem Fan insaed long fotin (14) dei taem hemi kam wok mo hemi mas fulumap wan Rijistresen Fom blong Membasip blong ol Woka.

Employa i mas mekem sua se evri seksen blong Rijistresen Fom blong Membasip blong ol Woka oli mas fulumap gud mo prisentem wetem wan setifiket blong pruvum deit we hemi bon long hem (Setifiket blong deit we hemi bon long hem, Laesens blong Draeva, Paspot, o Setifiket blong Mared).

Sipos i no gat wan parapa pruv blong deit we hem i bon long hem, rijistresen fom blong membasp ia oli no save prosesem. Wan kopi blong setifiket we i shoem deit we woka i bon long hem i impoten tumas from hemia bae i helpem woka bigwan. I gat nid blong provaedem impoten setifiket ia blong shoem hamas yia woka I gat olsem we i stap long Loa blong VNPF. Bambang i had tumas blong talemaot tru yia blong wan memba sipos I no gat wan tru kopi

we i shoem deit we woka i bon long hem we oli kipim wetem Fan.

Rijistresen blong ol Niu Woka

Evri employa i mas mekem sua se olgeta woka oli aplae blong rijista wetem Fan insaed long fotin (14) dei taem hemi kam wok mo hemi mas fulumap wan Rijistresen Fom blong Membasip blong ol Woka.

Employa i mas mekem sua se evri seksen blong Rijistresen Fom blong Membasip blong ol Woka oli mas fulumap gud mo prisentem wetem wan setifiket blong pruvum deit we hemi bon long hem (Setifiket blong deit we hemi bon long hem, Laesens blong Draeva, Paspot, o Setifiket blong Mared).

Sipos i no gat wan parapa pruv blong deit we hem i bon long hem, rijistresen fom blong membasp ia oli no save prosesem. Wan kopi blong setifiket we i shoem deit we woka i bon long hem i impoten tumas from hemia bae i helpem woka bigwan. I gat nid blong provaedem impoten setifiket ia blong shoem hamas yia woka I gat olsem we i stap long Loa blong VNPF. Bambang i had tumas blong talemaot tru yia blong wan memba sipos I no gat wan tru kopi

we i shoem deit we woka i bon long hem we oli kipim wetem Fan.

Taem we Fan i akseptem niufala woka i kam olsem memba blong hem, bambae oli givim rijistresen namba. Rijistresen namba ia hemi VNPF namba blong woka ia blong usum olsem aedentifikesen blong hem taem hemi stap olsem wan memba blong Fan.

Notis: Hemi risponsibiliti blong employa blong mekem sua se ol niufala woka blong hem oli rijista olsem memba blong Fan. Employa nao i mas witnessem sikneja (o print blong lefaed tham) blong woka, pruvum stret infomesen we i stap long Fom M, mo sendem fom i go long Fan. A-3.

Plis yu mas save se ol memba i no alaow anda long Loa blong VNPF blong jenisem eni long ol infomesen long setifiket blong Membasip blong hem.

Ol Kontribusen

Mandeitory reit blong kontribusen we i blong pem i go long Fan hemi 4 pesen (%) we i kam long woka mo 4 pesen (%) i kam long employa, we i mekem 8 pesen (%) evriwan.

Tufala kontribusen ia i mas sendem i go long VNPF bifo las dei blong nekis manis, nating sipos kontribusen I mas kamaot long salari blong woka evri taem we hemi kasem salari blong hem.

Employa i shud sendem ol kontribusen eli blong mekem se i no pem eni faen.

Hemi risponsibiliti blong employa blong mekem sua se oli mekem ol kontribusen ia.

Ol Ofens anda long Loa blong VNPF

Ol poen ia oli ol ofens anda long Loa blong VNPF mo i aplae long eni employa we:

- I minim blong mekem wan kiaman stetman.
- Provaedem o mekem, o i minim blong letem blong oli produsim o provaedem, eni dokiumen we hemi save se oli kiaman long valiu blong hem.
- I feil blong aplae from rijistresen insaed long taem frem we oli bin putum i stap.
- I feil blong pem Fan long eni manis eni amaon, we hemi laeabol blong mekem rigadem ol woka blong hem.
- I blokem eni memba, ofisa, woka, eijen, advaesa, o kaonsalten blong Fan long taem we hemi stap karemaot ol diuti mo wok blong hem.
- I feil blong pem eni kontribusen o sejaj (ol faen) insaed long taem we oli givim long hem.

Ol Penalti anda long Loa blong VNPF

Wan employa we i komitim eni o evriwan long ol ofens we i stap antap, mo oli faenem se hemi gilty, bambae I laeabol blong wan penalty we amaon blong hem i no ova long Vt. 100,000 o blong spendem wan taem long kalabus we i no bitim 6 manis, o tugeta wan taem.

Wan employa we i didaktem aot long salari blong wan woka amaon bitim hemia hemi we alao blong didaktem olsem kontribusen, o i mekem didaksen be i feil blong pem Fan, mo oli faenem hem i gilty, i save faen long wan amaon we i no ova long Vt. 200,000 o spendem wan taem long kalabus we i no bitim 1 yia, o kasem tugeta wan taem